

重修兩淮鹽法志

兩淮鹽法志卷五

王制門

制詔五

咸豐二年正月十一日奉

上諭戶部尙書孫瑞珍奏淮南鹽務急須嚴杜川私請於湖北
東湖縣屬之平善壩南津關西壩宜都縣之白洋河紅花套
設卡緝私責成宜昌鎮總兵分撥弁兵實力巡查以專責成
此外另有走私之處卡座或移或添隨地隨時相機辦理並
請明定章程如於定額之外再有溢銷則以官鹽溢銷之多
寡爲該總兵功效之大小各等語淮南鹽引銷路全仗兩湖

近來粵私潞私侵灌尙少惟四川與湖北毘連由長江順流而下駛入楚境大爲淮南之害該尙書所奏均係實在情形著程喬采按照摺內所陳各情節逐一講求悉心體察應如何添設卡座分撥弁兵妥議章程明定賞罰卽責成宜昌鎮總兵認真稽查總期私鹽無透越之虞官鹽有暢銷之勢庶於國課民食兩有裨益欽此

咸豐三年正月奉

上諭羅繞典奏現在淮鹽阻滯著准其以川鹽潞鹽接濟迅卽咨部辦理俟賊氛掃蕩再復舊規欽此

咸豐三年二月二十日奉

上諭前因湖北省淮鹽阻滯降旨准其借銷川鹽潞鹽以資接濟茲據張亮基奏川鹽轉運既易成本亦輕較之潞鹽更爲便利自係實在情形著四川總督卽飭鹽茶道借撥川鹽二千引迅速解赴湖北以濟急需俟江路廓清淮引通暢仍照舊章辦理欽此

咸豐三年四月初九日奉

上諭戶部奏請派大員督辦淮北鹽務等語著兩江總督楊文定現在江南辦理軍務新授兩淮鹽運使崇綸到任尙需時日所有淮北鹽務著漕運總督福濟暫行督辦一切應行事宜卽著悉心體察權宜辦理務期於鹽課軍務兩有裨益其

淮南鹽務著楊文定仍遵前旨迅派道府大員署理毋得以商販梗阻藉詞延誤致干重究欽此

咸豐三年七月十六日奉

上諭昨據福濟奏准北票鹽辦理不善存引不認者至二十三萬之多本日據周天爵奏淮河上下道路梗阻商販裹足民間淡食請撥票鹽十萬引運皖督銷卽以接濟兵餉等語已諭知周天爵准照所請引數酌撥運銷惟所稱票鹽十萬引止完正雜課十六七萬兩是該侍郎已將成本減輕是否能足向來定額如此次撥行引銷暢利則商情漸臻踴躍其餘積引是否可以一律推行又所稱海州距口岸較遠應就已

運到壩之鹽無論有課無課先行借撥提運或俟新鹽運到
歸還或俟岸銷後給價之處於向辦章程有無窒礙著福濟
體察情形妥籌具奏總之變通必須盡利立法尤貴因時固
不可拘泥定章束手無策亦不得不權衡利害豫防流弊也
欽此

咸豐三年八月十七日內閣奉

上諭戶部奏淮南鹽務緊要請飭江督責成運司妥辦一摺淮
南引鹽因道路梗塞未能銷運而產鹽各場尙屬完善若任
聽私煎私售致自然之利棄之如遺於鹺務全局大有關係
著兩江總督飭令運司移駐通泰適中之地督同運判場員

就場徵課卽照戶部所議章程變通酌辦期於課項實有裨益見在運司庚長尙未到任卽責成署運司郭沛霖悉心經畫將來庚長到任後仍著郭沛霖幫同辦理以資熟手欽此
咸豐四年六月十九日軍機大臣等奉

上諭前據袁甲三奏請就滯銷鹽引籌運濟餉一摺當交戶部速議具奏茲據該部覆奏交怡良袁甲三會同妥辦著袁甲三一面將見擬章程委員妥辦一面將該部摺內所指各條是否確有把握迅速具奏並會同怡良通盤籌畫飭屬認真辦理所收課銀分解江皖各營接濟軍需仍分別綱數銀數由該運使造冊詳報兩江總督報部查覈以免混淆欽此

咸豐四年閏七月二十四日軍機大臣等奉

上諭前據怡良覆奏袁甲三請將淮北滯銷鹽引籌運濟餉一摺當交戶部覈議具奏茲據奏稱請令楊以增會同怡良袁甲三查明酌辦等語此項淮北滯銷鹽引已逾奏銷尙未議定銷售章程若再令會議酌辦往返咨商徒延時日於課款仍無裨益怡良旣稱暫停代納淮南鹽引一款可以維繫新綱又可無害於鹺局自必確有把握卽著該督會同楊以增督同署運司設法辦理袁甲三著無庸會辦怡良職司鹺務責無旁貸楊以增近在淮北稽查較便務當遴委賢員實力督銷不得以商疲引滯藉口致課款再有短絀欽此

咸豐四年十月初九日軍機大臣等奉

上諭前據袁甲三條陳淮北鹽務情形當交戶部查議並據覆奏請將開綱徵課及籌補減免懸引事宜責成怡良辦理疏通銷路責成袁甲三辦理袁甲三係防守臨淮一帶大員剿匪是其專責至疏通銷鹽道路必須地方文武協力緝私方能漸形暢旺淮北引地多在安徽境內福濟身任巡撫地方是其專責著會同袁甲三督飭文武嚴拏私販籌畫疏銷務須查察弊端以期便民裕課不得以地方應辦之事概諉之袁甲三辦理袁甲三前奏在浮山口派員設卡此外如界連豫境之正陽三河尖等處亦當聯絡豫省兵勇一體緝私無

分畛域本年淮北啟徵距造報之期僅餘四月開網已形遲滯若再不趕緊督徵必致課項日絀且減免懸引數至三十萬餘兩之多亦應迅籌歸補斷不能藉口商疲銷滯束手無策欽此

咸豐五年正月初二日內閣奉

上諭托明阿楊以增奏籌濟淮河鹽船擬勸捐堵壩一摺見在淮河水淺鹽船行走維艱必須蓄高洪澤湖水頂託淮流方能濟運業經楊以增籌款堵築山盱禮字河越壩三百餘丈尙有一百餘丈未曾堵合准其先行借撥鹽款項下銀兩趕緊購料辦理並飭已革臬司查文經督同海州運判杜文瀾

勸諭俟有成數提還歸款該部知道欽此

咸豐五年正月初十日內閣奉

上諭前因袁甲三條陳淮北鹽務並奏參署運司運判有營私捏詳等弊當有旨令怡良派委司道大員嚴切根究茲據該督奏稱查明運判許惇詩前請暫停懸引係因積鹽不銷起見並無挾私舞弊署運司郭沛霖亦無扶同捏飾等情西廟存鹽包數及口岸銷價銀數亦查無不符之處惟該運判於袁甲三批駁各條延不稟覆實屬咎有應得許惇詩著交部議處所有淮北開綱徵課及籌補減免懸引事宜著責成怡良認真整頓袁甲三見在帶兵皖省無庸兼理鹽務其淮北

一帶疏通銷路著福濟協同怡良實力督銷總期鹽務日有起色以實庫儲而裕課餉欽此

咸豐五年三月十四日內閣奉

上諭怡良奏查明鹽船積弊並土匪私設鹽卡擾害票法一摺
淮北綱鹽行銷皖豫二省日形壅滯據怡良查明因各販運
鹽經由阜陽霍邱固始三縣交界處所有船戶等肆行舞弊
致虧客本又信陽羅山二處爲行銷最暢之區光山係必由
之路聞該境私設鹽卡盤踞需索以致往來客販畏葸不前
自應亟加整頓以肅鹺政著英桂福濟嚴飭各該地方官凡
淮鹽經過處所如船戶人等有敢私行盜賣並水手羈和砂

下海鹽法志 卷五
上等弊一經查出卽行拏究毋得稍分畛域至土匪私設鹽卡尤屬大干法紀並著該撫等密速查拏從重懲辦斷不准稍涉疏縱以除積弊而裕國課欽此

咸豐五年十月初九日內閣奉

上諭戶部奏楚岸鹽斤抽稅章程久未奏報請飭查明聲覆等語前因湖南湖北借運川粵官鹽經該部奏准凡川粵鹽斤入楚時無論商民均許自行販鬻於楚省堵私要口專駐道府大員設關抽稅並令川廣兩省將商支外款大加裁減妥議章程責成湖南藩司熟籌妥辦見在川粵接濟楚省鹽斤辦理已經兩載該省如何議立章程按引抽稅之處並未據

該督等詳細覆奏著湖廣督撫等查明見辦章程迅速具奏
欽此

咸豐五年十月初九日軍機大臣等奉

上諭前據駱秉章奏採買淮鹽以濟民食並淮楚分岸納課以
濟軍需一摺當交軍機大臣會同戶部速議具奏茲據文慶
等奏稱湖南長沙等府屬每年額銷淮鹽二十二萬餘引見
在淮南片引不行楚南之民需鹽甚急請飭兩江總督備鹽
十萬引解赴湖南並飭浙江江蘇巡撫派員實力稽查等語
淮南鹽引自江路梗阻片引不行疊經戶部奏請設法疏銷
力求整頓見在湖南鹽價日昂民間茹淡自應急籌運解以

濟民食而裕國課著怡良卽督飭署運使郭沛霖迅速備鹽
十萬引解赴湖南淮鹽成本甚輕雖運本較重而湖南鹽價
極昂除完引課之外成本運本不患無著該督務必趕緊設
法籌墊不得以無款可籌畏難推諉致誤要需其經過浙鹽
引地侵灌之弊不可不防著責成督運之員嚴飭船戶不准
片刻停泊並著吉爾杭阿何桂清分派妥員於沿河扼要之
處實力稽查不准疏懈路過江西時並著文俊飭令該地方
官一體照料毋誤遄行欽此

咸豐六年二月十三日內閣奉

上諭何桂清奏淮鹽由浙運楚事多窒礙請飭停辦一摺前據

駱秉章奏請撥淮鹽十萬引由浙河運赴湖南疊經戶部議覆令江蘇督撫妥籌官辦章程以杜商私侵灌尙未據該督撫酌議具奏茲據何桂清奏稱淮鹽運楚必須藉資商力私販仍難盡杜且恐停滯浙河隨處灑賣又與浙省餉鹽同途並運亦有擁擠之虞尙係實在情形所有部議官運淮鹽著怡良督飭運司卽行停辦毋庸另議章程惟淮鹽頻歲滯銷楚省需餉甚急前次官文具奏淮南運道暫爲試改各情仍著怡良督飭運司妥議章程實力行運毋得推諉延宕至浙省餉鹽並著何桂清督飭承辦各員設法疏通源源轉運以資接濟欽此

咸豐七年四月十五日軍機大臣等奉

上諭有人奏署兩淮鹽運使淮揚道郭沛霖署任四年之久所徵淮南稅課日形短絀通泰所屬二十場每年抽稅可得制錢一百萬串咸豐五年分該司造報淮南奏銷僅收錢十萬餘串近來添卡愈多徵稅愈少並信任泰州運判洪國柱冒領運庫銀五萬兩未經報銷洪國柱侵蝕泰州稅錢八千餘串延不批解該署司代爲彌縫完結各等語鹽課爲帑項大宗淮南所屬引地尙多完善之區當此餉需支絀宜如何竭力籌維若如所奏徇縱屬員虧短課項尙復成何事體著何桂清趙德轍按照摺內所指各節將該署運司任內所徵稅

課徹底查明據實參奏洪國柱如查有侵挪庫銀稅錢等弊著卽先行撤任一併嚴究懲辦以肅鹺政本日降旨令常鎮道喬松年署理兩淮鹽運使已革藩司聯英見亦發往江南差委著該署督等於聯英到江南後卽飭令協理兩淮鹽務並令喬松年等認真經理力清弊竇俾鹽課日有起色以裕餉需是爲至要欽此

咸豐七年九月初八日軍機大臣等奉

上諭有人奏湖北省於宜昌府設立鹽卡一處歸荆宜施道莊受祺管理江陵縣設立鹽卡二處歸保升道員鄭蘭管理抽收川鹽稅課復於沙市鎮設立官鹽號以莊受祺鄭蘭爲總

理監生嚴步高爲襄辦四五兩年總計數處稅錢每月可得制錢三十萬串六年秋間改換部帖行分而稅亦分近日販商稍減每月尙可得二十餘萬串此項除協濟荊州駐防餉銀外每月應餘錢二十餘萬串乃大營餉需仍資撥解本地團練全賴捐輸不知此項銷歸何處嚴步高以侵蝕之資開設宏盛鹽行襄辦者如此總辦者可知並聞鄭蘭於沙市設立公和錢店銀兩悉歸兌會復令親屬鄭竹山赴川坐辦行鹽兩地把持情同市僧請飭查辦等語入楚川鹽經該省督撫等奏准抽收稅課原爲協濟軍需若抽收之款甚鉅而兵餉團練仍取給於撥項捐輸是直以數百萬鉅貲徒資中飽

亟宜清釐以歸覈實綿洵近在荊州見聞較確著卽將宜昌等處鹽卡鹽號自四年以來抽收鹽課若干撥過軍營餉需若干查明莊受祺鄭蘭等有無侵蝕鄭蘭於沙市開設銀號並令親屬赴川辦鹽顯有圖利情形斷非因公起見嚴步高如何侵蝕鹽局以爲貲本並此外委辦鹽務微員有無囊橐充盈之處均著訪查確實詳細具奏帑項攸關該將軍務將所奏各情秉公查辦毋得稍涉瞻徇或受人蒙蔽致負委任欽此

咸豐七年九月十八日內閣奉

上諭何桂清奏請將淮北乙卯新綱先行派辦額引一摺見在

正陽關雖已肅清六安尙多餘匪淮北商販未能一律通行自應因時制宜以裕課款著照所請所有乙卯綱淮北額運二十九萬六千九百餘引卽著查照歷辦章程派令各販認運將場鹽起運到壩俟正雜各課完納清楚再運出湖其溢銷之十六萬餘引俟河道通行接續配運至甲寅以前各殘綱准其暫停其有力能並運者仍聽其便以紓商力欽此

咸豐九年三月二十日內閣奉

上諭戶部奏請飭籌辦淮南鹽務酌擬條款開單呈覽一摺淮南鹽課爲撥解大宗近年因長江梗阻經戶部議令就場收課辦理數年稍有起色尙未能復舊額亟應設法籌辦以裕

課款著照該部所議除湖北借運川鹽抽稅尙旺仍舊辦理外其單開各條如通泰各場於適中之地駐劄武職各員稽查出入以杜偷漏泰州總局及分局酌增稅銀淮鹽侵越浙岸於京口等處地方設卡抽收稅銀抵補浙課又事務較簡各場鹽官酌量裁併又川淮各私由湖北闌入湖南者必由岳州經過於該府設局抽稅其餘毘連川粵處所各設稅卡以防偷越江西饒州吉安建昌九江等府各於適中地方設局仿照湖北章程一律收稅所議均尙周妥各該督撫果能認真籌辦於鹺務餉需實有裨益著兩江總督江西湖南各巡撫悉心籌畫妥速辦理另片奏淮北代納協貼縣課綱運

積壓未據奏報等語並著何桂清庚長迅飭運司運判等實力督催卽將乙卯綱課額全完奏辦覈銷並將臨淮等處各卡抽收鹽釐抵完協貼懸課數目一併造報丙辰綱各販停積之鹽亦著飭令設法營運完課無誤要需欽此

咸豐十一年十一月二十一日奉

上諭議政王軍機大臣等前因袁甲三軍營缺餉諭令薛煥王夢齡將每月協餉二萬兩並淮南鹽課銀一萬兩按月提解該大臣軍營以資接濟茲據薛煥等奏自上年蘇常失陷餉源十去六七以二府一州之地兼顧南北兩臺統計水陸一百餘營自六月至九月欠發銀六十餘萬兩至淮南鹽課係

因淮北鹽課全充皖餉經袁甲三撥歸江北糧臺今若畫出解皖則北臺支放愈形竭蹶應俟新捐大有起色兩臺月餉籌足再行接濟皖營淮北鹽課每月解足北臺二萬兩外再籌解皖等語各路軍營餉項缺乏原屬實情惟在任事大員通融籌撥近來軍營習氣勦賊則藉口兵單籌餉則爭言人眾其進款較多省分於應撥協餉每多慳吝名爲慎重軍需實在圖肥私橐卽如薛煥等於諭撥袁甲三之餉銀稱爲舍己芸人豈知皖匪滋蔓卽蘇省亦受其害且薛煥等視江皖兩省有人己之分而國家則同辦一事豈能不通盤籌畫見除江北糧臺遵照戶部奏定章程將收發款項隨時奏報其

江南糧臺並未遵照辦理兵數既無從稽覈軍餉亦難免虛冒著薛煥王夢齡卽將江南北水陸一百餘營何營防勦何路何員統帶每營官兵共若干名責令各該營管帶官剋日詳報由該撫等彙覈速奏其調募勇丁共若干名一併查明彙報此後儻查有空缺惟該撫等是問至江海關除應徵洋稅外每月應徵華稅暨子口稅共有若干釐捐月收若干卽著該撫等分別查明奏報其兩淮鹽課見飭喬松年專心辦理每月可得課銀若干江北釐捐爲數若干並著該撫等查明具奏至袁甲三軍餉萬分支絀所有江蘇應解月餉二萬兩淮南鹽課一萬兩仍著薛煥王夢齡懍遵前旨按月撥解

儻敢再存玩視致有貽誤恐難當此重咎也另片奏請飭廣東等省按月籌解餉銀已諭令勞崇光等迅速籌解惟南北兩臺既有地丁鹽課釐捐關稅各項通計已足敷用此項協餉到時務須撙節俟曾國藩大軍南下如有不敷亦須支應不獨專供南北兩臺之用也欽此

咸豐十一年十二月初六日奉

上諭大學士周祖培奏請飭整頓鹽務一摺鹺務爲國課大宗各省額銷應徵課銀爲數甚鉅近年短絀過多總由該管官不能認真辦理所致當此帑項支絀宜如何激發天良力求整頓暢銷以期裕國課而濟時艱兩淮就場徵稅並著嚴實

徵收前經湖廣總督官文奏請辦理淮鹽行銷楚岸江蘇巡撫薛煥奏請招商運銷湖北江西俱由戶部議准均著認真辦理勿許領運行銷官吏人等營私舞弊其兩廣福建山東四川甘肅等省或仍屬完善或軍務漸平尤應早復舊額並著各該省督撫鹽政痛蠲積習講求利病務期經商裕課按照例限奏銷不得稍有遲誤儻或不知振作任令國家正課日形短絀朕必重加懲治不稍寬貸懷之欽此

同治元年三月十九日奉

上諭勝保奏餉糈支絀熟籌變通請捆運鹽斤以資接濟等語勝保一軍僅恃直隸河南山陝等省協餉近來各省庫儲不

充未能依限報解見雖力解潁圍兵勇飢寒不免自屬實在情形該大臣請將淮北票鹽先行捆運十五萬包運至三河尖一帶銷售並函商李世忠代爲捆運就近提取解營充餉著照所請妥爲辦理惟不得漫無限制致壞鹺綱並著吳棠就近飭令兩淮鹽運使喬松年督催稽查毋任偷漏惟聞李世忠就場運鹽赴各岸銷售商民交受其累該大臣務當督飭李世忠約束部下人等不得沿途騷擾又貽口實欽此

同治元年四月十五日議政王軍機大臣奉

上諭毛鴻賓奏請借運粵鹽以裕軍餉等語粵鹽侵及楚境粵課未加淮課全失徒飽粵商私橐近年湖南辦防辦勦需餉

浩繁勢將不給該撫擬請設法變通所籌不爲無見前據曾國藩奏請派大員馳赴廣東督辦廣東釐金協濟江浙軍餉業經揀派晏端書前往督同曾國藩所派委員妥辦釐捐鹽務原屬並行不悖且歲納之粵課九萬四千餘兩仍擬還解粵省似於粵省情形尙無妨礙惟所派員紳必須得人著曾國藩勞崇光毛鴻賓各將地方情形通盤籌畫據實具奏如其事屬可行卽著妥議章程會商試辦總期變通盡利公溥爲懷有益軍需無損鹺政方爲妥善欽此

同治元年六月十二日軍機王大臣等奉

上諭吳棠奏遵籌泰壩鹽釐每引畫分三百文以濟鎮餉等語

著照所請每引畫撥三百文解交鎮江軍營充餉欽此

同治元年十月十一日軍機大臣奉

上諭勝保奏軍餉支絀請飭催各省欠解應解各款等語勝保一軍自入陝後各省餉需未能如數撥解以致兵勇口糧積欠纍纍見在天氣日寒兵丁時慮饑潰所有直隸欠解八月閏八月九月餉銀三萬兩並嗣後月撥餉銀一萬兩晉省於原定月餉一萬兩外每月添解銀一萬兩並從前舊欠皖豫軍餉三萬兩河南欠解八月閏八月九月餉銀共六萬兩著文煜英桂鄭元善各飭該藩司按數批解毋令有停兵待餉之虞陝省月餉亦須寬爲籌畫勝保請徵提該省下忙錢糧

扣抵月餉當以錢糧爲財賦正供非該大臣所能干預已諭令毋庸派員催提惟師行糧繼不可缺乏著瑛榮督飭藩司每月籌解銀二三萬兩以應急需其淮北餉鹽一款著吳棠轉飭運司將該大臣前請之餉鹽十五萬包在江運改湖積存餘引項下撥出領運以資接濟欽此

同治二年七月十五日奉

上諭候補道忠廉見令署理兩淮鹽運使該道能否勝任著曾國藩察看覈實具奏欽此

謹按嗣經兩江總督曾國藩於同治三年二月二十七日片奏署運司忠廉於上年十一月二十二日接

印本年正月來皖接見數次老成樸實事必躬親到淮未久已能諳究利弊察其才具於兩淮運使一缺堪以勝任卽經飭回秦州供職

同治二年十一月十八日議政王軍機大臣奉

上諭本日據戶部奏淮北票鹽提充軍餉請分別截留以保正課一摺皖徐平靖淮北銷路漸通亟宜將餉鹽分別截留以挽頽綱而裕正課著曾國藩嚴飭鹽運使忠廉設法遵照辦理喬松年於鹽務情形素所熟悉並著吳棠接此旨後將此旨內鹽務及戶部摺內應辦各條密行摘錄知照喬松年一體幫同辦理欽此

同治四年三月十七日軍機大臣奉

上諭署兩淮鹽運使李宗義已經簡放安徽按察使見當整飭
離網之際必須廉明練達有爲有守之員方足以資整頓著
曾國藩遴派妥員先往接署仍著酌保數員候旨簡放總期
操守謹嚴洞悉鹽務情形於興利除弊各事宜實力舉行庶
於國課民生兩有神益欽此

同治四年四月二十三日奉

上諭李宗義在兩淮運司任內既據曾國藩稱其新立規模經
營正值喫緊未便更易生手卽著准其暫留兩淮運使之任
俟鹽釐諸務就緒著曾國藩卽遵前旨酌保堪勝運司者數

員請旨簡放即可飭令李宗羲赴安徽臬司之任以重職守
欽此

同治四年四月二十八日奉

上諭步軍統領衙門奏兩淮應解銀兩久逾奏准期限請旨飭
催速解一摺兩淮運解步軍統領衙門辦公之需前經降旨
諭令兩江總督嚴飭該運使將應解銀兩分限起解迄今半
年之久竟未絲毫報解置京營要需於不顧實屬任意延宕
著兩江總督查取見署兩淮鹽運使職名先行交部議處仍
嚴札該署運使將欠款所撥銀三萬兩並本年初限應解利
銀一萬八百兩統限於六月內如數解到二限應解利銀於

九月前全數解清嗣後每年所解利銀初限仍於二月以前二限仍於九月以前一律解交以符定章儻再逾限不解卽著該衙門嚴參懲辦並著兩江總督懍遵前旨將兩淮厯年積欠之項妥議章程飭該運使分年籌解以濟款項毋得仍前玩誤欽此

同治四年六月初四日奉

上諭兩淮應解步軍統領衙門本年初限利銀及積欠內所撥銀兩前經降旨飭催限於六月內如數解到見在絲毫未據交納亦並未咨報起程實屬膜視要需任意延宕著兩江總督嚴飭兩淮鹽運使務將本年初限應解利銀一萬八百兩

及欠款內所撥銀三萬兩星速委員剋期起解統限於六月底一律如數解到不准再有積延欽此

同治五年三月初一日奉

上諭李鴻章奏特參庸劣不職之鹽員請分別革職摘頂一摺知府銜兩淮候補運判韓茂萱承辦輪規膽敢於薪水之外私派局用取諸商販實屬不知檢束角斜場大使奎書冊報煎鰲既有浮多且私增滷鍋四百十三口隱匿八年之久迨經李鴻章飭查復敢捏詞掩飾居心實不可問其歷任該場大使候補大使章憲文陳皓候補運庫大使呂承業候補知事馬書城狃於積習久匿不報均屬有意含混通州分司鄭

士彥有督煎之責從前未能查報究屬玩忽餘東場大使李
餘慶辦事顛預於竈戶聚眾阻撓清釐溝界重案並不認真
查拏廟灣場大使蔣紹鏞嗜好甚多廢弛場務草堰場大使
張恩澤庇商欺混新舊繳數此等庸劣不職之員自應分別
懲辦以肅鹺政韓茂萱奎書李餘慶蔣紹鏞張恩澤均著卽
行革職鄭士彥章憲文陳皓呂承業馬書城均著摘去頂戴
以示懲儆該部知道欽此

同治五年七月初九日內閣奉

上諭李鴻章奏竈匪滋事派兵勦撫一摺江蘇通州餘東場竈
戶王全永等膽敢因清理溝界聚眾數千人私造鎗礮滋事

經李鴻章派兵前往兜拏該匪恃眾抗拒疊被官兵勦捕擒斬多名當將匪首王全永匪黨許朝楨等一併擒獲正法梟示解散脅從民竈雖已如常安堵而推原啟衅之由鹽屬印委各官實難辭咎通州分司運判鄭士彥淮北監掣同知武祖德事前旣不妥爲勸諭及至官兵進勦並不隨同前往畏葸無能且有意存苛勒情事鄭士彥武祖德均著卽行革職以示懲儆陣亡之守備宋遠祥藍翎把總況啟興時福寶吳友勝宋茂才均著交部從優議卹餘著照所議辦理欽此

同治七年十二月十一日軍機大臣奉

上諭前據曾國藩奏請禁川私入楚收復淮南引地以復舊制

當交戶部議奏茲據該部遵議請旨辦理一摺淮南引地以楚岸爲大宗從前因江路梗阻淮鹽未能行銷疊經湖廣總督奏明借撥川鹽並抽收川私釐稅原係一時權宜之計近年江路早經暢通自應規復舊制雖節經酌減淮釐以輕成本而鄰私未能盡禁淮鹽總難暢銷曾國藩所陳川私病淮各節自係實在情形著吳棠李鴻章郭栢蔭何璟卽將川鹽行楚章程妥籌停止其宜昌沙市等處應如何撤局停稅並稽查偷越之處著李鴻章郭栢蔭何璟飭屬妥辦並將裁停川稅日期截清報部毋滋弊混至曾國藩所稱淮鹽並收鄂釐淮銷果暢鄂餉卽可加增將來所收鄂釐較之川稅收數

能否不至大相懸殊著李鴻章等體察情形具奏惟川鹽行楚既久井竈增多見在既經禁銷自應酌量封禁並著吳棠妥爲籌辦其如何分限減停及堵緝各路鄰私著馬新貽覈議章程奏明辦理自此次改復舊章之後務當嚴禁商人夾帶並飭垣商講求煎煉其到岸候輪之鹽不准私自擡價該督撫等總當不分畛域實力妥籌以絕弊竇而維大局至湖南郴州等處抽收粵鹽釐稅著劉崐查明奏請一併停收禁止粵私入楚以歸畫一其兩淮應用行鹽引張並著兩江總督查明委員赴部請領不得僅用鹽政大票以符舊例原摺均著鈔給閱看將此諭知李鴻章馬新貽吳棠郭栢蔭劉崐

並傳諭何璟知之欽此

同治九年十月十六日奉

上諭魁玉奏武生販帶私鹽聚眾拒捕見在妥籌辦理一摺私鹽本干例禁本年九月間江甯文閣局試時竟有武生仇茂森等興販私鹽船至千餘號鹽至數萬引之多經魁玉派委文武各員前往查禁該武生竟敢鳴鑼拒捕以至弁勇受傷實屬不成事體見在魁玉飭令運司籌款收買並拏獲抗捕之犯數人仍著該署督出示嚴禁並飭各關卡文武員弁實力稽查不准有闖卡漏私等事此次倡首拒捕之武生仇茂森業經格斃其武生吉殿邦等卽著飭令該運司逐細查明

分別輕重按律懲辦欽此

同治十二年正月二十一日內閣奉

上諭英元等奏請飭兩淮措解利銀一摺兩淮應解步軍統領衙門利銀自道光三十年起積欠至數十萬兩之多嗣後僅於同治四年解到銀二萬兩迄今絲毫未解本年三月間祇謁

東陵所有隨扈官兵應領口分及各旗營修墊道路需款甚鉅自應先事預籌以免貽誤著兩江總督嚴飭兩淮鹽運使卽於前欠利銀內先行籌措銀四五萬兩批解步軍統領衙門以應急需儻該運使一時難於籌解卽由兩江總督在藩庫

內無論何項先行提銀四五萬兩剋期起解限二月內如數解到仍由該運使籌解藩庫歸款勿稍遲誤另片奏此次奏撥之利銀四五萬兩請飭戶部一併嚴催並以後如何由兩淮按年籌撥接濟之處妥議章程奏明辦理等語均著照所請行該衙門知道欽此

同治十二年三月初四日奉

上諭有人奏淮南擬改鹽棧累商滋弊請旨飭停一摺據稱兩淮鹽務前經曾國藩奏定章程因儀徵難以修復改由瓜州開橫河至七河口設棧上年冬六河口江岸坍塌張樹聲卽飭改復儀徵每歲科派銀四十餘萬兩並加駁費錢四十餘

萬緡輕議更張商民交困請飭停止改棧查看瓜州校場一帶地勢就近移棧以順輿情等語所奏累商滋弊是否屬實究竟鹽棧應設何處方爲合宜著李宗羲妥爲籌度奏明辦理欽此

同治十三年十一月二十六日奉

上諭御史許廷桂奏辦理河務亟須預籌鉅款請於淮南票鹽添引二百張每張收銀六千兩儘數解赴河工以應要需等語淮南鹽務增添引票商情是否樂從鹽引能否暢銷有無流弊之處著李宗羲體察情形詳悉妥議具奏欽此

同治十三年十二月初十日戶部奉

上諭各省督撫鹽官向有呈進方物見當哀痛之時食處皆所不安著通諭各省督撫鹽政織造關差等一應貢獻概行停止卽食品亦不准呈進俟三年之後再候諭旨欽此
光緒元年正月初五日奉

上諭御史王立清奏辦理釐鹽各局請明定章程等語各省抽釐分局及江皖兩湖等省督銷兩淮票鹽分局各該州縣往往以本籍紳士經管弊竇叢生亟應嚴行禁止著各省督撫及鹽政衙門嗣後委辦釐鹽各分局不准用本縣紳士其已委者卽行裁撤並將委員職名籍貫年終報部以憑查核欽此

光緒元年二月十五日軍機大臣奉

上諭邵亨豫奏陝西各營需餉浩繁庫款甚絀難以支持請飭兩江總督將兩淮運庫月協陝餉仍照前撥解等語著李宗羲劉坤一將應協陝西軍餉每月一萬兩仍照前按月撥解以濟急需欽此

光緒元年七月初九日內閣奉

上諭步軍統領衙門奏要差需款甚急請飭撥銀兩一摺兩淮欠解該衙門帑利銀兩爲數甚多此次辦理隨扈差使需用甚鉅著兩江總督嚴飭兩淮鹽運使先行籌撥銀四萬兩儻該運使暫難籌解卽由兩江總督在藩庫內無論

何款先提銀四萬兩迅速起解務於八月中旬解到仍責令該運使如數解還藩庫以清款項欽此

光緒元年八月十六日內閣奉

上諭本年九月十八日朕奉

慈安端裕康慶皇太后

慈禧端佑康頤皇太后躬送

穆宗毅皇帝

孝哲毅皇后梓宮奉移

山陵途次長蘆鹽政應進食品兩淮鹽政應進銀鏹緞綢俱著

毋庸呈進欽此

光緒二年七月十三日軍機大臣奉

上諭沈葆楨奏收回淮鹽引地應遵部議迅速舉行一摺據稱以淮鹽原有之楚岸仍令歸淮於楚省餉需大有裨益非僅毫無所損見在滇黔肅清正宜移侵楚之川引復從前之舊額等語所奏甚是卽著李瀚章文格翁同爵王文韶遵照部議迅速辦理其應如何剔除積弊嚴杜私銷之處並著沈葆楨等會商妥辦原摺著鈔給李瀚章等閱看將此各諭令知之欽此

光緒二年九月二十六日軍機大臣奉

上諭御史吳鴻恩奏川鹽濟楚有利於淮請飭四川等省體

三
察情形覆奏等語著戶部俟四川等省覆奏到日與翁同
爵摺片一併妥議具奏欽此

光緒三年正月二十六日內閣奉

上諭給事中郭從矩奏川釐准課得失利害請飭部核議一
摺著戶部議奏欽此

光緒三年七月初四日奉

上諭何璟等奏閩省水患頻仍請勸諭淮滬各商捐賑等語
閩省復被水災籌辦賑濟需款甚鉅何璟等請照從前天
津賑案勸諭淮滬各商酌捐助賑以資接濟自係萬不得
已之舉著照所請由沈葆楨斟酌辦理並准照天津成案

獎勵原片著鈔給閱看將此由四百里諭令知之欽此

光緒三年七月十五日軍機大臣奉

上諭沈葆楨奏訪查淮北鹽綱弊端並自請議處等語鹽綱
關係緊要全在辦理得人始能日有起色茲據奏稱本年
接辦淮北癸酉綱分未能提早趲辦銷數日疲雖由上年
歲歉及私販占引所致而官中之私弊端不一相率因循
亟應實力整頓卽著該督督飭司場各員埽除積弊務將
本屆綱分提前趲辦儻竟不知振作卽行據實參辦以肅
鹺政沈葆楨自請議處之處著毋庸議欽此

光緒三年九月二十六日奉

上諭候補中允張鵬翼奏鹽禁病民請撤防兵而復舊制一摺私鹽向干例禁防兵之設卽爲巡緝私販而行若如張鵬翼所稱種種弊端是防兵徒滋擾累亟應力爲整頓以重嵯綱該候補中允所請裁撤防兵仍責成地方守令嚴密巡防大吏時復委員查訪之處是否可行著李瀚章體察情形奏明辦理欽此

謹按嗣經湖廣總督李瀚章於十二月初五日覆奏查明實無擾累情事未便輕改舊章

光緒三年十月初二日奉

上諭曾國荃奏山西全省被災本歲秋禾未收來年春麥未

種停賑無期急需廣籌款項請令兩江總督轉飭兩淮運司瓜棧及四省督銷局道員在於西岸鄂岸湘岸各票商每大票捐銀二百兩皖岸小引每票捐銀四十兩均於兩箇月內湊齊等語該省見辦賑務需款甚鉅待用尤迫自屬實在情形著沈葆楨酌量勸諭各商量力捐輸俟捐有成數卽匯兌天津招商局由李鴻章責成道員朱其昂等廣採糧石迅速轉運仍以餘銀分給山西由該省司道督率各局分途轉輸以應要需將此由四百里諭令知之欽此

光緒三年十一月初九日奉

上諭李瀚章奏覆核沈葆楨收復引地包認餉銀章程未能
允洽秉公妥議一摺淮鹽規復引地事體重大必須籌畫
妥善計出萬全方不至戾時宜而滋後患茲據李瀚章奏
稱沈葆楨原奏包完餉銀立限截止川鹽設法嚴緝私梟
章程或虛數徒懸或事多窒礙所慮困運商病場商誤國
計蹙民生激事變各條均係爲大局起見自宜和衷商榷
不厭求詳著沈葆楨按照該督所陳悉心覆核務臻妥洽
欽此

光緒三年十一月二十日奉

上諭袁保恆奏豫省賑務需項緊急設法捐借一摺本年河

南被災較廣飢民待賑孔殷需款甚鉅亟應廣爲籌畫以
救災黎該侍郎請於淮南商販每票五百引捐銀五百兩
著沈葆楨卽行酌度辦理劉坤一前捐銀十五萬兩作爲
公項轉發招商局按年取息以爲儲養人才之用袁保恆
請將此項銀兩全數撥借豫省由豫照章與息儘一年內
提還不准以欠款作抵自因移緩就急起見著照所請卽
由李鴻章沈葆楨劉坤一迅將此款撥解河南以應要需
至所稱此次籌辦賑需無論借用官商款項均准於豫省
收成開徵後以正項分年提還議定付息以昭大信等語
著戶部速議具奏欽此

光緒三年十二月二十四日軍機大臣奉

上諭前據李瀚章奏覆核沈葆楨奏收復淮鹽引地立限截
止川鹽包完鄂餉等節當經諭令沈葆楨悉心覆覈茲據
丁寶楨奏禁川之舉以時勢籌之實難遽行惟有俟驗邊
銷路漸暢使川商漸歸本岸而淮引自復皖西本兩淮專
岸官票不及私販之多不若先行整理則淮鹽銷路自暢
引課自增各等語著沈葆楨彙入李瀚章所陳一併覆覈
妥籌辦理欽此

光緒三年十二月二十八日軍機大臣奉

上諭穆騰阿海英奏籌辦駐防善後應撥舊款請飭仍行照

撥一摺江甯京口駐防見在添設弓場學館操演馬隊需用甚殷所有兩淮應解鹽規銀兩除前准先撥銀一千兩外其餘一千八百九十兩仍著沈葆楨飭令運司於經費項下按年籌解至江甯副都統富陞因何未經列銜著穆騰阿海英據實覆奏將此各諭令知之欽此

光緒四年二月初十日軍機大臣奉

上諭前據李瀚章丁寶楨先後陳奏淮南規復引地窒礙難行當經諭令沈葆楨覆覈籌辦茲據奏稱引地當復與否請旨定奪或飭部通籌等語淮南規復引地一事關繫商民利害必須疆臣各就地方情形通盤籌畫互相熟商期

於辦理無弊且各該省均有爲難之處朝廷亦所深知乃彼此各執一說往復辨論迄未定議殊失政體李瀚章前次所奏不免措詞過當沈葆楨疊次所陳語意亦多不平均非大臣和衷共濟之義所有規復淮南引地各該省如何辦理不致爲難之處著戶部再行妥議具奏俟該部議定後仍著沈葆楨李瀚章丁寶楨妥商籌辦總期於公事有裨不得稍存成見致誤大局將此諭知戶部由四百里諭令沈葆楨李瀚章丁寶楨知之欽此

光緒四年二月初六日軍機大臣奉

上諭江甯京口駐防所需經費旣據奏稱鹽規項下難以籌

撥著沈葆楨無論何款照數撥解以資應用欽此

光緒四年三月初七日內閣奉

上諭給事中周聲澍奏請酌留川鹽仍復淮引明定章程以裕賑需並湘西皖鄂四岸援案捐賑給予獎敘各摺片著戶部彙入二月初十日沈葆楨摺一併妥議具奏欽此

光緒四年四月初三日內閣奉

上諭沈葆楨奏請將縱勇收受規費之武弁革職等語洪湖營都司鄒光前淮揚鎮標右營守備潘廷佐縱容勇目收受私鹽規費經沈葆楨先後撤任訊辦猶敢一味支吾實屬刁狡均著卽行革職以肅營政餘著照所議辦理該部

知道欽此

光緒四年十一月十八日奉

上諭步軍統領衙門奏要差需款甚急請飭迅撥銀兩一摺兩淮欠解該衙門帑利銀兩爲數甚鉅見因辦理明年隨扈差使需用孔急著兩江總督兩淮鹽運使先行籌解銀四萬兩儻該運使暫難措撥卽著該督在藩庫內無論何款先提銀四萬兩迅速起解務於明年正月內解到仍責令該運司如數解還藩庫以清款項欽此

光緒四年十二月初一日軍機大臣奉

上諭內務府奏恭備要差請飭催欠款一摺明年

穆宗毅皇帝

孝哲毅皇后梓宮永遠奉安該衙門差務繁多需款甚亟據稱查有長蘆歷年拖欠帑息銀一百八十餘萬兩山東歷年拖欠帑息銀一百八十餘萬兩兩淮歷年拖欠各款利息銀一千四百餘萬兩兩粵海關歷年拖欠公用銀二百三十餘萬兩請飭設法籌解等語著李鴻章沈葆楨文格俊啟著無論何款先行設法各籌解銀十萬兩務於明年正月內解到所解款項仍由欠款內撥還以清款目嗣後應解各項務須年清年款不得稍有延欠將此由四百里諭知李鴻章沈葆楨文格並傳諭俊啟知之欽此

光緒六年正月二十五日奉

上諭戶部奏籌備餉需一摺國家歲出歲入自有常經軍興以來供億浩煩以致京師及各省庫儲均形支絀事平之後帑藏仍未裕如皆因本有之財源未能規復可緩之用款未盡減裁既無以備緩急之需亦非慎重度支之意如該部所稱各屬墾荒一條果能認真查辦行之數年何嘗不可漸復舊額其捐收兩淮票本一條既與改票初章不相刺謬且亦不致病商至通核關稅及整飭釐金各條均屬目前要務必須嚴定章程核實辦理州縣經徵錢糧絲毫皆關國帑豈容任意虧短該部所請嚴查州縣交代及

嚴核各項奏銷各條係爲裕餉源除積弊起見其專提減
成養廉銀兩及催提減平銀兩各條或循名核實或申明
舊章均可次第施行若停止不急工程及核辦顏料緞疋
兩庫折價等條亦係撙節帑項之道均著照所議辦理總
之有治法須有治人任事諸臣果肯實力實心行之以漸
持之以果自可著有成效若徒敷衍從事則雖有良法美
意不過視同具畜仍於治理無補此次戶部所籌各節除
停止工程核實折價應由該部籌辦外其餘皆疆臣之責
各該督撫平日受國厚恩當此時事多艱豈可懈弛因循
不知振作著於奉到此旨後督率藩運各司並該關監督

等振刷精神悉心經畫各盡其職所當爲毋避嫌怨毋涉
瞻徇毋畏艱難毋任粉飾總期於國計民生兩有裨益方
爲不負委任仍將如何辦理情形趕緊妥籌定議限兩箇
月據實覆奏不准稍有延宕至各省物力民情並著各就
地方近日情形通盤酌度如有可籌之款可興之利無損
於民而有益於國者各抒所見一併奏聞以備採擇欽此
光緒七年三月十三日奉

上諭向來各督撫將軍府尹及鹽政關差織造等例貢方物
著期年內暫行停止欽此

光緒七年七月十六日奉

上諭步軍統領衙門奏要差需款孔亟請飭迅撥銀兩一摺
兩淮欠解該衙門帑利銀兩爲數甚鉅見因辦理隨扈差
使需用孔亟著兩江總督嚴飭兩淮運司卽行籌解銀四
萬兩儻該運使難於籌解卽著該督在藩庫內無論何款
先提銀四萬兩迅速起解務於本年九月以前解到仍責
令該運司如數解還藩庫以清款項欽此

光緒八年四月初三日奉

上諭左宗棠奏淮軍駐防江蘇各營餉項請改由江省支發
籌辦河工情形擬修通泰場地隄墩各摺片淮軍駐劄江
蘇江甯境內各營月餉向解淮軍後路糧臺以供支放左

宗棠擬改由江省軍需局按照淮軍舊章就近支發著該督與李鴻章妥商辦理裏河等處隄壩及導淮各工左宗棠前往履勘擬分別緩辦續修河工關繫運道民生該督務當博訪周諮體察情形分別緩急妥慎籌辦以期興利除害通泰場地隄墩年久失修一遇風潮驟至竈戶倉猝被災情形可憫自應速籌修復卽著左宗棠督飭官紳集費興工核實辦理俾資捍衛至兩淮鹽務前經曾國藩酌定章程行之有年尙無流弊商人曾有懇加鹽引之請未經准行原恐加引必至滯銷轉致掣動全局左宗棠所奏酌加鹽引一節有無窒礙卽著通盤籌畫詳議具奏候旨

遵行欽此

光緒八年四月二十七日軍機大臣奉

上諭前據左宗棠奏准鹽擬加引票當以增引恐致滯銷諭令詳議具奏候旨遵行旋據左宗棠奏籌復楚岸派員辦理官運撥營前往巡緝及淮北加引各情已諭令戶部妥議具奏茲據彭祖賢奏兩淮議禁濟楚川鹽有關鄂省餉源客軍緝私窒礙難行請飭暫循舊章各摺片據稱鄂省出款半取給於川鹽釐稅若禁川復淮則餉源大減此時未與四川議定停運限期先行設卡堵截恐無以取信於民恩施等州縣例應行銷川鹽不能概行禁絕監利縣已

到川鹽限三箇月銷盡窒礙殊多等語川鹽濟楚行之已久此時議復淮引固爲規復舊制起見惟川鹽能否卽行停運鄂省餉源有無關礙必須通盤籌畫從長計議且將來如果復淮亦必須酌定限期曉諭商民行之以漸方不至激生事端此事惟視國計民生所宜或川或淮朝廷原無成見總須妥慎辦理以期商民相安仍著左宗棠涂宗瀛丁寶楨彭祖賢悉心會商妥議具奏候旨遵行見在仍著循舊辦理川鹽行銷楚岸尙未能剋期禁止遽派勇營前往恐致民間疑懼著左宗棠飭所派親軍二營暫行停止赴鄂將此由五百里各諭令知之欽此

光緒八年六月十八日軍機大臣奉

上諭左宗棠奏遵旨停派水陸親軍赴鄂緝私一摺淮鹽規復楚岸引地原爲整頓嵯網起見惟借川濟楚行之已久必須漸次減運方無窒礙左宗棠已將前派水陸兩營暫停赴鄂具見顧全大局實深嘉尙至此事究應如何通籌定議部臣疆臣務當彼此屏除成見和衷共濟總期於國計民生兩有裨益著左宗棠涂宗瀛丁寶楨彭祖賢仍遵前旨悉心會商妥議具奏欽此

光緒十年閏五月二十三日奉

上諭前因御史屠仁守奏湖北應城縣徵收鹽斤石膏稅課

自德安府同知蔡懋賡接辦以來百弊叢生恣意朘削當經諭令孫毓汶等詳查參辦茲據奏稱石膏井鹽稅課向分兩宗石膏稅釐尙無弊混井鹽課名目太多立法未善同知蔡懋賡接辦徵收尙無貪苛劣蹟見將井鹽水課改定新章開單呈覽等語同知蔡懋賡雖於井鹽課額並無虧短惟於章程繁瑣滋弊不思及早變通又未將丁役私費查明禁革以致商情不協噴有煩言實屬辦理不善蔡懋賡著交部議處至所定井鹽水課新章卽著該督撫飭屬認真妥辦毋任再有弊端餘著照所議辦理該部知道單併發欽此

光緒十年七月初十日奉

上諭御史翟伯恆奏敬陳地方利弊請飭酌量變通一摺巡緝私梟本地方文武專責近年各鹽商募勇緝私肆行滋擾實爲地方之害著各該督撫將此項勇丁卽行裁撤其各口岸私梟卽嚴飭文武員弁水陸營汛認真巡緝嚴密稽查以靖閭閻欽此

光緒十年九月初五日軍機大臣奉

上諭曾國荃奏加抽川釐濟餉無甚窒礙仍擬在萬戶沱設局試辦一摺湖北爲淮鹽引地此次曾國荃擬請設局加抽川鹽釐金自係爲軍餉緊要起見著准其於萬戶沱設

卡遜派委員妥爲試辦數月後察看情形如果毫無窒礙
即可接續辦理儻川鹽停阻鄂餉短絀卽照所請奏明撤
局抽釐濟餉江鄂同一籌備軍需曾國荃卞寶第彭祖賢
務當力顧大局和衷商辦切勿稍存畛域原摺著鈔給卞
寶第彭祖賢閱看將此各諭令知之欽此

光緒十一年九月十二日奉

上諭順天府代遞道員葉廷眷條陳內扶持商局一條據稱
請准招商局輪船裝運鄂鹽該局承運漕糧請照沙船回
空免稅章程辦理並展緩運漕限期藉客貨水腳補其不
足湖北帽合茶酌減稅課歸局裝運等語所陳各節係專

爲維持商務起見惟於各該省釐政稅釐有無關礙著李鴻章曾國荃體察情形悉心籌商奏明辦理至該局事務應否令蘇松糧道及江海關道就近會商並著酌議具奏原呈均著摘鈔給與閱看將此諭知李鴻章並由五百里諭令曾國荃知之欽此

光緒十三年八月二十九日軍機大臣奉

上諭翁同龢潘祖蔭奏黃河南決懇飭速籌堵塞並設法補救一摺此次鄭州決口黃水直趨東南下游沿淮沿河各州縣受害何可勝言亟應設法宣洩保全完善之區翁同龢等所稱順其就下之勢由興化以北歷朦朧傅家塢等

卷三
三
處入舊河身避過雲梯關以下淤沙開濬大通口四十餘
里入潮河以達灌河海口等語著曾國荃盧士杰體察情
形卽行籌議覆奏如別有疏導善策並著多方規畫迅卽
籌辦總期黃流減一分之害庶幾民生受一分之益一面
先將見在橫決情形迅速馳奏原摺著鈔給閱看將此由
五百里諭令知之欽此

兩淮鹽法志卷五

王制明 制紹五